


五

息齋集

丑



中銓疏草卷之三目錄

遵 旨勉留疏

恭謝 天恩疏


聖主格圖修省疏

遵 旨明白具奏疏

遵 旨回奏疏

遵 旨具疏奏明疏

請復司道互轉疏



中銓疏草卷之三

吏部尙書臣金之俊

遵 旨勉留疏

為微臣遵

旨勉留。

新命萬難祇受。仰祈

聖鑑。別簡賢能。以重銓政事。該臣奏為

君恩愈重等事。奉

聖旨卿不必求去當遵前旨行該衙門知道欽此。臣  
叨荷

聖恩。諭留再三。正黽勉遵

旨間。忽接邸報。吏部爲會推官員事奉

聖旨。金之俊轉吏部尚書。仍帶罰俸一年。欽此。臣聞  
命自天。惶悚無地。竊念臣衰庸無比。久宜幽黜。不意

遭逢

堯舜。恩遇非常。自

皇上親政伊始。卽畀臣中樞重任。甫及二載。又移臣  
總憲要地。

皇上之期臣者。可謂極厚。臣之自責者。亦不敢不嚴。  
然力不從心。卒之表率無能。澄清寡效。皆臣之  
罪也。乃

皇上旣寬其斧鉞。反晉以崇班。舉至重至大之任。付  
之極衰極庸之臣。若再不量力。冒昧擔承。則臣  
先自喪廉恥。其何以抑人情之躁競。司倫物之

中全疏章 卷三 二  
鑑衡爲

皇上進賢退不肖。肅吏治而安民生也。臣爲此慄慄危懼。刻不遑寧。不得不據實控辭。伏乞皇上收回成命。別簡銓臣。容臣仍守憲職。勉竭衰駑。銓政幸甚。微臣幸甚。臣不勝激切待命之至。奉

聖旨。卿老成夙望。特簡銓衡。宜卽祇承新命。不必具辭。該衙門知道。

恭謝 天恩疏

爲恭謝

天恩。兼陳愚悃。仰祈

聖鑑。事。該臣奏爲微臣遵

旨。勉留等事。奉

聖旨。卿老成夙望。特簡銓衡。宜卽祇承新命。不必具辭。該衙門知道。欽此。欽遵。隨于本月十六日到任。受事訖。竊念臣生平所自矢者。止是不通賄

中 金 匱 庫 卷 三 三  
賂不徇情面。然兢兢守此。猶之平人不爲盜。女子不失身也。僅了本分之事。未盡銓衡之責。若欲克稱銓衡。必使材各配位。而後國家收器使之益。必使署無曠缺。而後銓法免壅滯之虞。必使常格不盡拘。而後賢豪有振奮之氣。必使資俸不盡破。而後羣情無躍冶之思。此皆臣力所不能也。臣前疏所云慄慄危懼。刻不遑寧者。以是故也。然一息未斷之殘喘。旣叨荷

聖恩。寵被無已。自當勉竭駑鈍。不敢偏執立異。亦不敢依阿詭隨。誓與滿漢寮屬諸臣。夙夜在公。冀圖報稱于萬一。臣老矣。一切恩怨毀譽。總非奄奄就木之人。所暇計也。區區愚悃。敢因恭謝天恩。而併及之。伏乞

聖明垂鑑。施行奉

聖旨。覽卿奏謝兼抒悃誠。知道了。該部知道。

...

...

...

...

...

...

聖主恪圖修省疏

為

聖主恪圖修省。微臣毫末盡職。懇乞

皇上速賜罷黜。以儆大小臣工。共圖消弭事。近因霪

霖為災。奉有

朕當一意修省。祇懼

天戒爾大小臣工。俱宜各盡職業。共圖消弭之

上傳。欽此。仰見

皇上如此敬

天罪已。爲臣子者。宜如何惕勵盡職。庶幾

君臣交儆。立弭災禱。乃衰朽如臣。濫叨

聖恩。簡畀銓衡重任。受事一日。卽當盡一日之職業。

自閏六月十六日到任以來。倏逾半月矣。京官

員缺。不下七八十員。而懸曠未補如故也。在外

藩臬道府方面官員。原應隨缺隨補。不在大選

急選。雙月推陞之例。而懸曠未補如故也。竊計

朝廷設一官。自有一官之職掌。缺一官。卽廢一官之

職掌。臣所司何事。而空言靡當。率屬無能。以致

在內在外。懸曠多官。庶事何由而理。

聖治何日而臻。

至尊之宵旰。何時而釋。

上天之垂戒。何從而答也。臣前疏所云。必使署無曠缺。

而後銓法免壅滯之虞。竊恐臣力所不能。今果

不能矣。卽



聖恩浩蕩。或暫寬臣斧鉞之誅。而臣清夜捫心。亦當羞歿懼歿。伏乞

皇上暴臣罪狀。速賜罷黜。以爲大小臣工。不能仰遵上傳。各盡職業者之戒。臣歿亦瞑目矣。不勝戰慄待命之至。奉

聖旨銓衡重地。正慮因仍陋習。以致人才壅滯。事務廢弛。特簡用卿。肅清根抵。以副期望。據奏力所不能。今果不能的。是何故。股肱大臣。豈可知而

不言正宜。悉力擔當。指陳情弊。不必輒求罷斥。况到任僅半月。補缺遲誤。咎不在卿。還速速明白。奏來該部知道。

遵 旨明白具奏疏

為遵

旨明白具奏事該臣奏為

聖旨恪圖修省等事奉

聖旨銓衡重地正慮因仍陋習以致人才壅滯事務  
天 廢弛特簡用卿肅清根抵以副期望據奏力所  
不能今果不能的是何故股肱大臣豈可知而  
不言正宜悉力擔當指陳情弊不必輒求罷斥

中銓疏草 卷三  
況到任僅半月。補缺遲悞。咎不在卿。還速速明  
白奏來。該部知道。欽此。臣恭繹

天語。期臣以肅清根抵。責臣以悉力擔當。而姑逭其  
補缺遲悞之罪。臣益感悚無地。敢不遵

旨。明白指奏。仰聽

聖斷。竊照閏六月十五日。適遇

朝期。各部堂上官。爭言司官缺乏。推補萬難再緩。臣  
于次日到任。卽查京官缺冊。懸曠甚多。藩臬道

府等官。缺亦不少。隨面語文選司郎中宋學洙  
須要照缺速推。比同堂滿漢諸臣。亦皆以臣言  
爲是。學洙亦唯唯而退。乃日復一日。未見說堂  
尋復聒催不已。則曰番譯清字乏人。臣素性褊  
急。不能從容忍耐。恐似此延推。則將來部務廢  
閣多端。皆自臣之才短望輕。不能率屬而始。辜  
恩溺職。臣罪安逃。臣是以夙夜惶懼。不得不蚤陳之  
君父之前。至選臣宋學洙典銓以來。有無情弊。臣到

中全疏草 卷三 九  
任日淺。未可懸揣。而任意延緩。若示人以莫可  
誰何之狀。臣實不能爲之解也。再照楚地時方  
用兵。經畧輔臣到彼。亟需糧餉。藩司一官。尤屬  
萬分緊要。而湖廣左右布政司。一時俱缺。又各  
處按差盡撤。則各省刑名。全藉臬司料理。而福  
建河南。並缺按察司。此其關係地方。何等重大。  
而尚不速爲遴補。以仰副

聖明迫切圖治之意。臣之所未遑責人。而先以自劾  
者此也。今內外各員缺。已一面協同滿臣。力督  
查補外。敢因遵

旨明白速奏。而并及之。臣不勝激切惶恐待  
命之至。奉

聖旨。素聞爾老練骨鯁。故屢擢要職。觀其展布前任  
總憲。復用爲吏部尚書。詳覽恪圖脩省一疏。有  
實心任事。欲爲朕整頓之意。故令明白回奏。冀  
其盡言弊習。今覽回奏。止言一司官延緩部務

宋學洙已被科臣糾劾何須復叅果肯真心爲  
國必不瞻顧忌諱仍着金之俊自行回奏該部  
知道

遵 旨回奏疏

爲遵

旨回奏謹席藁待罪靜聽

聖明處分事該臣奏爲遵

旨明白具奏事奉

聖旨素聞爾老練骨鯁故屢擢要職觀其展布前任  
總憲復用爲吏部尚書詳覽恪圖修省一疏有  
實心任事欲爲朕整頓之意故令明白回奏冀

其盡言弊習。今覽回奏。止言一司官延緩部務。宋學洙已被科。臣糾劾。何須復叅。果肯真心爲國。必不瞻顧。忌諱。仍着金之俊自行回奏。該部知道。欽此。竊惟衰庸。負罪之臣。蒙

皇上破格恩遇。再擢要職。展布愚忠。指陳弊習。此臣分內之事。乃煩

天語再詰。愧懼欲死。臣于衙門弊習。原圖隨事體察。務求確據。漸次入

告。到任之初。適見內外缺官甚多。選臣宋學洙。怠緩有據。臣竊以爲一銓補而掣肘如此。一司官而延緩如此。將來勢難展布。必至上負

聖恩。所以一疏自劾。再疏指奏。若臣任事稍久。見聞真確。凡有奸弊。必不敢瞻顧。忌諱。而不言也。但皇上令臣明白指奏。冀臣盡言弊習。一新銓政。

聖明之待臣者。何其厚。望臣者。何其切。而臣止言延緩之事。止論被糾之官。殊負

皇上清問之盛心。臣無所逃罪。謹據實回奏。恭聽

皇上處分。臣不勝惶悚待

命之至。奉

聖旨覽回奏內云原圖隨事體察務求確據漸次入

告等語且自欲展布必不瞻顧忌諱足慰期望

務殫心竭力一新銓政以觀後效不必引咎該

部知道

遵 旨具疏奏明疏

為遵

旨具疏奏明事。該本部具覆科臣孫伯齡庶務需才

甚急等事一疏奉

聖旨知道了。漢官尚書侍郎既不畫題其情節。還應

各自具疏奏明。欽此。欽遵。臣謹將不畫題情節。

據實為

皇上陳之。臣前有遵

旨明白具奏一疏。內指懸曠多官未補。係選臣宋學洙任意延緩。此臣受事以後。屢論而不行。親見而有據者。今部覆科疏。原非宋學洙延期致悞。以爲當日衆議。此則臣未經親聞目見。若隨衆列名。是一人也。而倏言其非。又倏言其是。一事也。而既已爲遲。又解其不遲。非臣子事

君以實之道。臣是以不敢瞻顧雷同。畫題列名。謹據實奏明。伏乞

聖慈鑒察施行。奉

聖旨知道了。內外官員各有職業。夙夜經營。尚虞曠廢。若懸缺不補。何以集事安民。宋學洙本當議處。因部覆補官延期。係當日衆議。姑免究。以後再有延緩。叅來處治。各司官一體嚴飭。行該部知道。



疏

觀昔歷代不無所以其身受天未學未本當差  
望旨映徹了內收官員各首艱業夙交際營尚真觀  
望慈鑒察察行奉

請復司道互轉疏

爲請復司道互轉之規。以疏壅滯事。竊照各省  
之有守道。則布政司官也。巡道則按察司官也。  
然守道之銜不同。有左右布政使銜。有叅政銜。  
有叅議銜。又有以按察使銜而兼叅議。以副使  
銜而兼叅議。以僉事銜而管叅議。皆管守道事  
也。巡道之銜亦不同。有按察使銜。有副使銜。有  
僉事銜。又有以左右布政使銜而兼僉事。以叅

政銜而兼僉事。以叅議銜而兼僉事。皆管巡道事也。至直隸各道。皆係兵備道。並無守巡之分。或帶布政司各官銜。或帶按察司各官銜。亦皆管兵備道事也。其銜之大小。總因俸之淺深而定。是以人定銜。非以地方定銜也。惟兩司之官。通融互轉。則一時守巡缺出。不拘銜之大小。便可照缺推補。故署無曠官。官無廢事。案查順治八年七月內。前部臣題爲題明司道缺員事。內

開列各道員缺。皆以地方定銜。如分守杭嘉湖道。註定叅政。分巡嘉湖道。註定僉事之類。奉有俞旨。在案。然其中有窒碍難行。不得不酌議變通者。卽如各省學道。原疏題定副使銜。近日浙江學道張安茂。山西學道孫籀。皆因俸淺。仍帶僉事銜。此亦須用變通之一端也。倘某道定就某銜。一時缺出。俸與銜不相對。勢不得不懸缺以待。豈不曠官廢事。使俸淺俸深之人。均有積薪之

中全流直 卷三  
歎哉。且不特此也。其地方缺出。便知係何銜。應  
係何等資俸之人。可一一揣摩而得。滋吏胥之  
作奸。啓不肖官之趨避。更有大不便者。查明未  
萬曆年間。始有不用兼銜之說。止就本司遞轉。  
然亦尋苦窒滯。不久復用兼銜。此往例之昭然  
可攷者也。應請

聖裁。仍復司道互轉之規。庶缺出不患乏人。而銓法  
可免壅滯矣。奉

聖旨。該部酌議。妥確具奏。

綸扉疏草卷之四目錄

隆恩未報疏

君恩游加疏

犬馬戀主疏

仰籲 天恩疏

微臣久病疏

恭謝 天恩賜像疏

遵例考滿疏

驚聞 寵命疏

察典屆期疏

君恩無可辭疏

再瀝苦情疏

天膽神奸疏

閩外擔荷非輕疏

微臣苦情疏

遵 諭自陳疏

自陳不職疏

遵 旨考滿疏

驚聞妻故疏

微臣真老真聾疏

籲 天認罪疏

乞休致仕疏

綸扉疏草卷之四

少師兼太子太師實支正一品俸內翰林國史院大學士臣金之俊

隆恩未報疏

爲

隆恩未報萬一。老病已入膏肓。冒罪瀝陳。仰祈

慈鑒。俯准休致事。臣糜祿尸位者。十有二年。於茲職

掌無裨分毫。罪戾有如山積。乃荷

皇上破格優遇。過則曲貸。恩復屢加。言念

高厚。鞠躬盡瘁。期効涓埃。臣之分也。臣之心也。奈以蒲柳之姿。逼于桑榆之景。春來又罹骨肉摧折。傷刺七情。今氣血兩虛。痰火交作。頭目眩暈。肢體酸麻。有旦夕莫支之勢。蒙  
皇上憐臣愛臣。過于父母。

特賜醫藥。冀其痊可。

溫辭慰諭。至再至三。臣撫心感泣。叩對天顏。不禁嗚咽。及歸邸寓。又蒙

皇上遣太醫院臣。就榻診視。咸謂年老病深。藥石難療。臣扶掖叩頭。嗚咽愈甚。痛思此生。無能再竭犬馬矣。臣之負

皇上實深。夫復何言矣。伏乞俯矜微臣。真老真病。卽

賜放歸。得如同官高爾儼。還骨首丘。臣惟有生生世世。矢報

鴻恩于萬一耳。倘幸而一息尚存。則

皇上曲賜餘生。仍當翹首北向。賡祝昇平。而未知奄奄殘喘。得稍延須臾否也。臣伏枕哀鳴。不勝感

涕待

命之至。奉

聖旨覽卿奏深軫朕念院務殷煩著用心調理稍痊

卽出供職該部知道

君恩洵加疏

為

君恩洵加。臣心彌悚。瀝誠控辭。仰祈

鑒允。以安分誼事。臣呻吟牀褥間。准吏部咨文。為欽

奉

上諭事。內開本月初一日。捧接

上諭。臣子謨明弼諧。雖積久而不言勞。國家錫命酬

庸。必加恩而弗容已。少傅兼太子太傅內翰林



弘文院大學士禮部尚書馮銓等居心謹慎制  
行端慤政務賴其翼襄恪勤罔懈才猷稱厥委  
任寅亮無私宜恩寵之游加當祇承而勿替馮  
銓加少師兼太子太師金之俊加少傅兼太子  
太傅劉正宗陳之遴劉昌俱加少保兼太子太  
保仍各照舊辦事爾部卽遵諭行欽此。臣聞  
命自天。惶悚無地。竊念臣之俊辦事年月。雖不後于  
馮銓等諸臣。而才識謏陋。弗稱

委任。惟臣爲最。卽現歷之官階。已濫膺于非分。臣所  
爲夢寐悚慙。惴惴焉負

恩是懼。而不遑寧處者此也。况臣以老病不支。正在  
乞骸候

旨。前此旣無寸勞足紀。將來又無報稱可期。槩叨  
寵命。萬難冒承。伏乞

皇上俯鑒悃誠。特允辭免少傅新銜。以安愚分。則臣  
雖一旦溘然長逝。亦不至增愧于重泉矣。臣不

勝伏枕戰慄之至。奉不。聖旨。卿翼襄政務久著勞績。加銜已有成命。着卽祇受。不必遜辭。該部知道。

犬馬戀主疏

爲犬馬之戀

主甚殷。風燭之餘光難待。謹冒死再陳。籲懇天恩。矜放事。該臣于本年四月初二日。具有。隆恩難報一疏。奉

旨覽。卿奏深軫朕念。院務殷煩。著用心調理。稍痊卽出供職。該部知道。欽此。臣之衰老病狀。已盡在皇上洞照中。捧讀之下。益深感泣。使臣老而筋力未

衰卽衰而受病未篤萬不忍愬然求退亦萬不敢再有控陳負我皇上無已之深恩其如良藥日進病勢日深胸膈痞結飲食不思手足拘攣寢卧作楚痰嗽中帶有血絲此太醫院臣之目擊而訝爲老症所最忌者豈猶望久延日月哉回念天恩惟有嗚咽流涕矢報來生斷難以奄奄就木之人耽悞院務益甚微臣之辜

恩而負罪也伏乞

睿慈矜允卽賜放歸臣不勝哀鳴感激之至奉

聖旨卿久襄院務朕倚毗方殷宜祇遵前旨稍痊卽允休出供職不必復有引請該部知道

出封鄉不必更育臣請蒞陪味

望旨喚入襄到絲翔衙細式題宜所數前旨能益  
眷慈令尔唱顯效體且不期哀與想憐之至奉  
恩而負罪少升了

仰籲 天恩疏

為冒罪仰籲

天恩。臣病實難痊可。乞

允休致。免悞院務事。該臣於四月初九日。奏為犬馬

之戀

主甚深等事。奉

旨。卿久襄院務。朕倚毗方殷。宜祇遵前旨。稍痊即出

供職。不必復有引請。該部知道。欽此。臣伏誦

天言。彌深感泣。遵  
旨不敢復請。勉冀稍痊。乃日復一日。藥餌罔間。病勢  
浸劇。據太醫云。氣血消耗。鬱勞久積。以致中膈  
滿悶。飲食不思。虛熱眩暈。補泄兩難。非偶中陰  
陽寒暑之比。可以草木取效。故醫雖極良。藥極  
對症。猶如以水投石也。竊思

皇上如何勵精圖治。臣子宜如何竭蹶贊襄。而竟以  
老病垂盡之身。曠悞若此。真死不足贖矣。總之

微臣之負我

皇上也。生亦負。死亦負。留亦負。去亦負。寤寐反側。無  
可寬假。獨念臣叨荷

奄終。則臣負

單恩封典。榮及泉壤。儻未得一上先人墳墓。而遽爾  
君。又負親矣。此臣之所以痛心刺腸。敢冒罪哀鳴於  
君父之前也。伏乞

天恩允賜休致。庶政本重地。不致虛懸耽悞。臣心猶

得稍安。而或藉以苟延一息。未可知也。臣不勝  
惶悚激切待

命之至。奉

旨。院務殷繁。正藉翼襄。卿作速調理。稍痊卽出供職。  
不必再請該部知道。

微臣久病疏

爲微臣久病曠職。糜俸益難自安。懇乞

天恩。俯准控辭。以稍追臣罪事。前月十七日蒙  
皇上欽遣學士麻勒吉到臣病榻間。傳宣  
天語。臣扶掖跪承之餘。仰見

君恩隆渥。過於天地父母。惟有感泣惶懼之不暇。又  
何忍言去。又何敢言去。致戀

主之不若犬馬也。但臣偃卧私寓者幾八十日矣。寤

寐反側。恨不蹶然而起。再覲天顏。以快瞻仰。而無如臣命不辰。愁與病積。良藥不離于口。痞結轉塞于胸。飲食罔進。肱肉盡削。動履彌艱。漸成痿廢。安望有痊可之日哉。竊念庸朽如臣。卽朝夕入直。罷勉辦事。尚虞伴食叢愆。而况困頓牀褥之間。虛糜大官之俸。中心負疚。有頃刻難以卽安者。伏乞

勅部任支臣俸。照前同官高爾儼例。庶可稍寬臣心也。至如

皇上求治甚殷。院務所關甚繁且重。而懸缺妨賢。有虛

皇上需人佐理之盛心。則微臣戀

主之忱。終難掩誤國之罪。此猶臣所旁皇病榻。而慄慄危懼。恐死亦未能瞑目耳。謹伏枕叩

闕披瀝。字字血誠。統希

慈鑒。臣不勝惶悚待

命之至。奉

旨。卿還加意調理。稍痊。卽入院辦事。不必辭俸。該部

知道。

欽

恭謝天恩賜像疏

為恭謝

天恩賜像事。臣質本庸陋。齒復衰頹。每顧影懷慙。靡  
竭踵頂。恒撫心增惕。謬寄股肱。頃以老病疴羸。  
荷蒙

欽賜湯藥。方伏枕而益加憔悴。乃從

天而彌被寵光。

恩照鬚眉。繪師奪化工之巧。



澤宣丹碧。內使函。帝賚之隆。伏念臣之俊。初無汗馬微勞。妄竊凌烟之異數。木偶輝煌。更乏調羹寸績。濫叨肖象之

殊榮。夢魂祇懼。雖微臣視息之促。猶如石火電光。而皇上華袞之頒。何啻霞明錦燦。敢不子孫什襲。永矢

天恩。結啣。謹扶掖。望

闕叩頭。仍力疾草疏。恭

謝。至于沉疴難療。尚祈

慈鑒矜全。臣不勝頂戴感激之至。奉  
旨覽卿奏謝知道了。該部知道。

遵例考滿疏

爲遵例考滿乞

勅部嚴加考核。以肅官方事。臣之俊於順治元年五

月內蒙

恩錄用。二年七月內。由兵部右侍郎調吏部右侍郎。

五年七月內奉

上傳陞工部尚書。六年十月內。加太子太保。八年二

月內奉

旨調兵部。八月內奉

旨加少保兼太子太保實支正一品俸。九年六月內  
准刑部咨爲奉

旨發審事。罰俸九箇月。十年正月內奉

旨。仍以少保兼太子太保補都察院左都御史。十年  
四月內。爲會議任珍一案。削去官銜二級。罰俸  
一年。十年閏六月內。陞吏部尚書。仍帶罰俸一  
年。十一月內。爲房之騏一案。罰俸一年。調用十

一年正月內。爲好生關

聖德之大等事。於補任日。罰俸三箇月。二月初六日  
上傳着以原加銜級。補內翰林國史院大學士。仍帶  
罰俸一年。六月內。恭上

皇太后徽號。恩詔免罰俸。十二年四月內。加少傅兼太

子太傅。自八年正月。起扣至十三年二月終止。

計歷任五年零四箇月。除降級罰俸月日外。共  
實歷從一品俸三年零二箇月。例應考滿。竊念

在

廷諸漢臣中。尸位最久者無如臣。蒙

恩最深者無如臣。負罪至重者亦無如臣。雖

皇上覆載宏慈。未加譴責。而微臣早夜循省。時切悚

惶。茲當考滿之期。莫追黜幽之典。伏乞

勅部重加處分。以爲人臣衰庸尸素。溺職孤

恩者之戒。臣不勝股慄待

命之至。奉

旨。卿久叅機務。茂著清勤。覽奏例應考滿。知道了。吏

部察例議奏

驚聞 寵命疏

為驚聞

寵命。瀝悃控辭。仰祈

睿鑑。俯准辭免。加銜廕子。以安臣心事。臣辦事衙門。

接吏部覆臣遵例考滿一疏。奉

旨。金之俊着加少師兼太子太師。賜羊酒廕一子。入

監讀書。欽此。除

欽賜羊酒例。應祇承外。竊念加銜廕子。

朝廷隆渥之典。所以勸有功。酬成勞也。乃至庸至衰。無足比數之臣。無尺寸之功。足紀無犬馬之勞。可念。祇以尸位日久。槩叨

隆渥殊恩。真有夢魂跼踖。時刻難安者。况此何等時也。

皇上方遇灾引咎。虔事修省。微臣忝列政地。調燮無狀。宜首從策免。故事。今

皇上既寬其譴罰。反賜以

寵榮。顧影拊心。萬難冒昧。祇受此實由衷之積悃。非敢矯飾以沽名。伏乞

俯鑒微誠。收回加銜廕子之

成命。則臣心庶得稍安。而臣罪亦免日深矣。臣不勝惶悚待

命之至。奉

旨。卿贊襄機務。著有成勞。加恩原屬懿典。不必遜辭。

吏部知道。



乾斷處分乎。臣之俊由太子太保工部尚書。于順治

八年閏二月內奉

旨調兵部尚書。本年八月內奉

旨加少保兼太子太保實支正一品俸。十年正月內

奉

旨。仍以少保兼太子太保補都察院左都御史。本年

四月內爲會議任珍一案奉

旨削去官銜二級。罰俸一年。本年閏六月內陞吏部

尚書。仍帶罰俸一年。本年十一月內爲房之騏

一案奉

旨着罰俸一年。調用。十一年正月內爲好生關

聖德之大事。于補任日罰俸三箇月。本年二月內奉

上傳着以原加銜級補內翰林國史院大學士。仍帶

罰俸。十二年四月內奉

上傳加少傅兼太子太傅。十三年四月內爲遵例考

滿事。吏部覆奉



旨加少師兼太子太師賜羊酒廕一子入監讀書欽此。臣早夜撫心自揣。我

皇上親政以來。六年之內。四陟院部。寸長靡効。積過萬端。凡在

廷諸臣中。惟臣之糜祿最久。蒙

恩爲最深。負罪爲最重。若不

嚴加處分。未足以儆官方而昭

國憲。至于臣年六十有四。氣血全耗。兩耳俱聾。照老

疾之明條。從黜幽之寬典。此又非臣所敢望也。總之微臣種種不職。有心難昧。萬非循例套陳者。比伏乞

皇上特賜嚴譴。以爲大臣溺職辜

恩之戒。臣不勝悚息待

命之至。奉

旨。卿輔弼重臣。誠慎端介。匡贊著勞。倚任方殷。豈可引例求退。宜益殫猷。爲裨成治。理該部院知道。

君恩無可辭疏  
爲

君恩無可辭之日。臣心有萬苦之私。冒昧瀝陳。仰祈  
慈鑑。俯准暫假事。臣于順治十年十二月內接家信。  
父母塋地。被水衝圯。棺槨漂露。驚痛欲絕。隨于  
十一年二月初四日。具有冒瀝下情。仰祈

聖鑑。准假遷葬一疏。奉

旨覽。卿奏雖屬至情。但新膺簡命。着祇遵辦事。勿再

陳請該部知道欽此。臣祇遵

成命。入院辦事。一面令臣男就塋內衝圮處所。權宜增土。暫時補苴。已荏苒四年矣。上之不能殫力。抒猷報

君恩于萬一。下之弗獲封塋展掃。慰親魄于九泉。不忠不孝。積罪彌深。是以

皇天降罰。十年之內。連喪五子。又一子一媳。並殞京邸。望七衰年。舉目雙櫬。不禁肝腸碎裂。但念臣

自元年五月初二日至今。叨沐

天恩。莫可殫述。臣次子世羨。近又蒙

皇上給授蝦職。臣父子受

國厚恩。殞身難報。何敢遽以私情痛苦。引年乞休。謹遵會典開載三年考滿。方許具奏給假之例。冒罪泣陳。伏乞

天恩。准賜暫假。仍照養病例。作缺俾臣。趁此一息尚存。將父母低窪塋地。改卜安厝。併携兒媳雙櫬。

乘便入土。則臣舉家存歿啣結矣。事畢之後。卽  
當匍匐

闕庭。再覲

天顏。以表犬馬戀主之心。雖老死弗忘也。臣無任激  
切悚惶待

命之至。奉

旨覽卿奏情詞懇切。但幾務殷繁。方資贊理。着勉留  
供職。不必遽以假請。該部知道。

再瀝苦情疏

爲冒昧再瀝苦情。籲懇

天恩。俯准暫假事。臣于順治十四年八月內。具有  
君恩無可辭之日。臣心有萬苦之私等事一疏。爲父  
母坐地衝地。兒媳雙櫬未歸。積苦填胸。懇請暫  
假奉

旨覽卿奏情詞懇切。但幾務殷繁。方資贊理。着勉留  
供職。不必遽以假請。該部知道。欽此。臣跪誦

天語俯鑑情詞。臣心既蒙

矜察。臣身何敢求去。惟有感激圖報。勉竭衰駑而已。不意微臣老命孤苦。今歲五月間。又喪一及笄之女。斗大室中。舉目三櫬。肝腸痛裂。更倍往時。雖飲淚含悲。抑情辦事。然神識昏瞶。于

君恩未酬毫末。而臣罪轉積山丘。倘一旦溘然長逝。則兩親之雙魄。終無寧宇。子女之旅魂。飄泊誰依。臣所以夢寐反側。中夜長號。不得不冒死瀆

鳴于

君父之前也。伏乞

皇上憫念微臣年衰命苦。准

賜暫假。俾臣得稍偷餘息。仰安親魄。俯慰子魂。當生

趨

朝。臣一日未死。一日未敢恣然于

君恩也。奉

旨覽卿奏具見至情但閣務殷繁方資佐理不必遽  
以假請該部知道

天膽神奸疏

為天膽神奸詭冒可駭特據實剖明仰祈

睿鑒併靜聽

皇上處分事本月初八日臣在直辦事接有江西巡

撫張朝璘一本為盤獲假官假旗出示招兵隱

匿東人請

旨究擬等事見在候

旨間臣閱之驚駭欲絕因思本內所謂金震者不惟

續房直草 卷四  
臣通族中無其人。卽通縣同姓異族中亦無其人。憶去年五六月內聞其在臣鄉附近地方。冒稱臣姪。出沒不常。踪跡詭秘。當被臣男世濂訪知。卽呈控江寧撫臣張中元處。遍行躡緝。竟爾免脫無踪。已經立案緝究。不意天網不漏。乃敗露于江西省也。據稱正紅旗恩拔貢生。從來旗下無拔貢。亦無又恩貢又拔貢之理。又稱係庚辰進士金和嫡弟。臣家並無金和。焉有金震。又

稱係臣薦送王固山委用。臣與固山王國光從無隻字相通。亦無片言相及。何由而薦。種種說鬼說夢。業經江西各官審鞫明白。無容臣贅。但臣自通籍至今四十餘年。兢兢小心株守。時懷臨淵履水之懼。凡所以戒訓子弟。約束親族童僕者。未嘗敢一刻懈縱。乃有蓋世神奸金震。竟于青天白日之下。肆行狐假。真目無三尺者矣。應請

皇。上。大。奮。乾。斷。立。置。重。典。以。爲。假。冒。大。臣。子。弟。者。之。戒。併。爲。的。係。臣。子。弟。親。族。倚。托。招。搖。者。之。戒。至。于。臣。之。素。行。苦。心。未。能。孚。信。遠。邇。而。爲。魍。魎。魍。魎。之。所。影。竊。響。附。是。皆。臣。德。薄。望。輕。有。以。致。之。也。謹。蓆。藁。待。罪。靜。聽。

皇。上。處。分。臣。不。勝。悚。息。待。

命。之。至。奉。

旨。金。震。情。罪。另。自。有。旨。卿。不。必。引。咎。該。部。知。道。

闡。外。擔。荷。非。輕。疏。

爲。闡。外。之。擔。荷。非。輕。行。間。之。將。士。宜。鼓。仰。祈。

乾。斷。稍。寬。文。網。佇。收。武。功。事。洪。惟。我。

太。祖。

太。宗。功。德。高。深。創。造。丕。基。我。

皇。上。仁。威。遐。布。光。昭。大。業。然。不。可。謂。非。師。武。臣。力。也。自。古。安。不。忘。危。文。事。武。備。必。須。兼。資。目。今。要。荒。雖。入。版。圖。餘。孽。猶。多。伏。莽。鞬。弓。戢。矢。正。未。可。期。



當寇逼門庭。欲得其效死勿去之力。必平居無事。預結其親上死長之心。近來在外大小將領。勇怯貪廉。固自不等。若一概吹毛索瘢。苛求太過。則死綏之氣。沮喪極矣。甚至挺而走險。如張弘德。其貽害可勝言哉。以臣愚見。武官之賢否。但當論其封疆有無失事。賊寇能否扞禦。小民有無虐害。其餘居官立身。偶有微疵。似宜稍從寬宥。庶武夫咸知感奮。而緩急不患無濟矣。至于軍政大典。自不可廢。但寇氛未蕩。責其用命。方殷。倘有指摘。又未便臨敵易將。應請上裁。或俟江浙事平之後。定期舉行。明核功罪。確分黜陟。則虛聲不可掩。敗。曖昧難以沒。功。而軍政之考察。庶爲允當矣。臣感時觸事。中夜徬徨。故不識忌諱。冒進狂言。伏乞

睿鑑密斷施行。

順治十六年七月

日奉



旨抑情辦事受

恩日重。積過日深者。復逾年于茲矣。

恩重則不忍再請。過深則益不敢再請。而無奈老景滋迫。苦緒轉增。今年臣鄉初夏大水。臣父母塋地復被水淹。雖增土補苴於外。苦積水暗滲於內。夢魂牽繞。痛徹心髓。又臣妻嚴氏在家。年六十有五。頃接家書。陡患危痢。兩目失明。無望再睹臣面。尚冀一聞臣聲。以了一生夫婦之緣。臣

不禁潛然涕隕。中宵哽咽也。若夫一兒一媳一女之三櫬。並羈寓邸。晨雨宵風。皆臣所時刻不堪回首者已。臣同官劉正宗。傅以漸。前各以苦情相繼乞假。俱蒙

天恩俞允。准令速去。速來。臣之苦情。比二臣較爲迫切。臣離家已十載。比二臣又爲更久。故敢冒昧援例。泣陳于

君父之前。懇徼

鴻慈垂憫。俾臣得偷數月餘晷。仰安雙親體魄。俯慰  
子女旅魂。且失明病妻。或聞臣聲。而再甦有機。  
則存歿啣。

恩非復世。世犬馬能報矣。速去速來。有同官二臣之  
成例在。臣雖家鄉稍遠。衰邁獨甚。斷不敢逗遛  
愆期。自取罪戾也。臣不勝激切惶懼待

命之至。奉

旨覽卿奏具悉。至情准暫假速往。速來入直辦事。該

部知道

遵諭自陳疏

爲遵

諭自陳不職仰祈

乾斷嚴加處分。以肅官方。以新化理事。臣於去年九

月內荷蒙

天恩特准暫假。已於冬至日抵家。隨星夜鳩工修葺  
先人塋墓。併料理兒女埋葬等事。冀本年六月  
終。諸務完畢。便恪遵

皇上面諭欽限。匍匐就道。不敢逗遛里門。乃于本年  
二月二十六日。接邸報爲欽奉

上諭事。

上諭諭吏部國家政務委任庶官必大小臣工咸得  
其人乃可共襄化理在京各衙門宜加澄敘以  
勵官常大學士尚書俱着自陳侍郎以下俱着  
開列職名候朕親行甄別爾部卽傳諭行特諭  
欽此。欽遵。臣仰惟

皇上臨御以來。勤思化理。宵旰靡寧。卽堯兢舜業亦  
不是過。而

皇上猶念海宇尚未乂安。民生尚未樂業。下罪已之  
詔。竭

祭告之誠。臣在籍捧讀

諭旨。慙悚無地。夢寐不能卽安。竊以至治未臻。皆臣  
等奉職無狀。而

皇上如此勵精圖治。獨爲引咎。臣等之罪。真莫可贖

新廟疏草 卷四  
矣。茲奉有大學士尚書俱着自陳之  
上諭。臣敢不臚列罪狀。爲

皇上陳之。臣自順治元年五月初二日竊祿至今。歷  
任部院者十年。積辜實有萬狀。廁名綸扉者七  
載。溺職非止一端。清夜捫心。臣之受

恩。比諸臣爲最深。臣之負

恩。較諸臣爲獨甚。至于學疎不嫻典故。識暗不審時  
幾。膽怯力綿。不能克艱任鉅。尤屬過愆之小者

也。今澄汰官方。維新化理。則

嚴加處分。當自臣始。不容以暫假在籍之身。稍逭一

日

斧鑕也。臣謹席藁待罪。恭聽

乾斷。不勝恐懼待

命之至。奉

旨。卿清勤端練。佐理有年。勞積素著。倚任方殷。着遵  
前旨。速來供職。不必求罷。吏部知道。

自陳不職疏

為遵

諭自陳不職仰祈

乾斷嚴譴。以彰維新之化事。臣于本年五月內具有

額

天認罪一疏。在寓靜候部議處分間。于本月二十一

日接邸報為欽奉

上諭事。云欽此。欽遵。臣仰見



皇上維新化理。務期澄肅官方。正任官惟賢才。左右  
惟其人。千古圖治要法也。恭繹近見在京部院  
各衙門官員。有稱職有不稱職之  
天語。諸臣中不稱職者。臣實爲首。固已昭然無逃  
宸鑑矣。辜負

先皇帝之大恩。一十八載。歷任各部院之罪狀。百千萬  
端。無論

國法不容屢寬。卽臣清夜亦難自恕。而况真老真孽。

一籌莫展。久玷機密重地。何以肅群寮而光新  
政也。伏乞

皇上亟賜乾斷。嚴加譴黜。至該部議覆。臣認罪前疏。  
又當聽另案處分者也。臣不勝惶懼待

命之至。奉

旨。卿清慎端練。効力有年。勞績素著。倚任方殷。着益  
殫力供職。不必求罷。吏部知道。

遵 旨考滿疏

爲遵

旨考滿乞

勅部嚴加核議。以警官方。以肅政本事。該臣于順治十三年四月內具有遵例考滿一疏。內開自八年正月。起扣至十三年二月終止。計歷任五年零二箇月。除降級罰俸月日外。共實歷從一品俸三年零二箇月。例應考滿等情。臣本自暴三

年罪狀恭請

乾斷處分。何期

天恩浩蕩。免其譴責。反荷

隆施。撫心非分。寤寐慚惶。乃自十三年三月內起。扣  
至十六年二月終止。連閏共實歷俸三年零一  
箇月。又該一品三年考滿。年復一年。迄無涓涔  
之報。稱罪又添罪。彌負

高厚之鴻恩。正擬再行具疏考滿。靜聽黜幽。間因十  
六年閏三月內。爲檢舉認罪事。罰俸六箇月。又  
本年五月內。爲遵

旨議處事。降二級。罰俸一年。嗣雖旋即蒙

恩。槩免。臣等降罰。適臣又荷

睿慈。准假還籍。是以未敢遽請考滿。今事竣入直。辦  
事循省舊例。難容久稽。謹補牘請考。伏乞

宸斷。勅部嚴加處分。以爲大臣尸位最久。負恩最深  
者之戒。此非考功八法之輕條。足蔽前後六年

之罪案者也。臣不勝惶悚股慄待

命之至。奉

旨。卿端亮清勤。久叅機務。覽奏。俸應再行考滿。知道。了。應得恩典。察例具奏。吏部知道。

驚聞妻故疏

爲微臣驚聞妻故。痛瀝苦情。仰籲

天恩。俯准暫假事。臣于順治十六年九月內。具有微臣苦情一疏。內稱臣妻嚴氏。年六十有五。在家陡患痢疾。兩目失明。無望再睹臣面。尚冀一聞臣聲。以了一生夫婦之緣。敢援同官速往速來之例。籲請暫假等因。蒙

世祖章皇帝垂憫至情。特准暫假回籍。臣妻因臣到家。

果聞臣聲而危症漸愈。一日復明。舉家頂戴天恩。莫知所報。臣不敢稍違。

先皇帝速往速來之欽限。隨于十七年九月內。飛騎馳還。入直辦事。乃

國恩未報萬一。臣罪轉積丘山。本年五月內。因江寧歲叅錢糧一案。臣具疏籲

天認罪。正束身屏息靜候部議間。忽于本月初六日接家書。臣妻仍患痢症。于八月十三日病故。痛

念

先皇帝如天厚恩。俾臣妻瞽目復明。而後歿。今歿亦瞑目矣。惟是老年夫婦。未得一訣。痛徹心髓。臣不敢以席藁候議之身。遽請休致。哀懇

皇上慈憫。准臣暫假數月。拊妻棺一慟。旋爲營置葬地。亦不敢視其入土。遷延里門。當依限馳還。待罪

闕廷。則存歿銜

恩更非生生世世之犬馬能報也。臣不勝恐懼迫切  
待

命之至。奉

旨覽卿奏情詞懇切。特准假往該部知道。

微臣真老真聾疏

爲微臣真老真聾衰庸悞

國懇祈

睿鑑。亟賜黜放。以儆官常。別簡賢能。以光新政事。臣  
自順治元年五月內。竊祿至今。歷涉部院十年。  
濫竽綸扉八載。長靡尺寸。過積丘山。旣無耆舊  
汗馬之勞勲。又乏廷臣謀猷之補裨。徒以尸位  
年久。洊冒崇階。清夜撫心。夢魂羞恥。臣曾屢疏

自列罪狀。謬蒙

先皇帝曲賜優容。泣思

高厚殊恩。此生難報。方擬瀝血陳情。誓竭來世犬馬不

意

先皇帝遽爾賓天。臣痛腸寸斷。恨未能捐微軀以追殉。

益不欲延殘息於人間矣。今遭逢

皇上以天亶睿哲。維新化理。正宜任賢使能。澄叙流  
品。臣之謏陋無比。首當甄汰。而况年垂七十。兩

耳全聾。卽附耳高聲。十不聞二。且神散志昏。今

日頓忘昨事。抵暮失記朝言。機密重地。豈容奄

奄待盡之人。塞耳瞪目。覩顏參預其間也。伏乞

皇上下奮乾斷。重加譴黜。以爲大臣受高爵厚祿。負

恩悞國者之戒。倘獲微

睿慈。及於寬政。迨其

斧鉞。姑准休致。則臣當生生世世。矢靡踵頂以報已。

臣不勝惶悚股慄待

命之至奉

旨卿清勤端慎練達事務經

先帝簡拔任用効力有年勞績素著閣務殷繁正資佐

理仍着勉力供職以副倚毗之意不必遽請休

致吏部知道

額 天認罪疏

為額

天認罪事。臣辦事衙門。接江寧巡撫朱國治。陳明錢糧拖欠之由等事一疏。奉

旨該部核議具奏冊留覽欽此。准撫臣送部清冊。開列長洲縣欠糧各紳花名內有金魁一戶。註明臣子金世漢欠三釐五毫。又有同名金魁一戶。註明內閣侄金子政欠八分一釐二毫。統候該



部遵

旨核議外。若微臣之罪。則更有無容稍貸者矣。臣嘗思舉家叨受

國恩。值此軍需孔亟。自應爭先輸稅。爲他姓倡。豈容拖欠絲毫。干

大法而負

大恩。反自臣始。故先於順治十四五六年間。預呈前後各撫按。求其行縣清察金姓花名。每年完

欠錢糧細數。嚴行追比。疊蒙批准在案。不意臣子見任蝦職。尚有三釐五毫之欠。臣旣未能早督全完。族姪生員金子政。復冒立官戶。致有八分一釐二毫之欠。臣又不能覺察指叅。數年來預呈撫按。一片趨事苦心。今俱托之空言矣。

大法已干。

大恩已負矣。臣之罪其尚可贖乎。惟有束身伏辜。請皇上褫臣之職。仍置臣於法。爲大臣不能教訓子姪。

體

國急公者之戒。庶積玩知警。而軍需有賴矣。臣不勝  
惶悚激切待

命之至。奉

旨該部議奏

乞休致仕疏

為臣年七十。報

國無能。懇乞

天恩憐准休致仕。臣于順治十八年九月內。具有微

臣驚聞妻故一疏。奉

旨覽卿奏情詞懇切。特准假往該部知道。欽此。欽遵。

臣隨于九月二十五日。

陛辭出都。十一月二十七日到家。始得拊妻棺一慟。

續原政草 卷四  
了一生夫婦之緣。言念君恩。感痛欲絕。臣前疏本請暫假。因叨

先皇帝一十八年之參養。未獲稍報涓埃。又蒙我

皇上今日破格之優隆。尚思勉竭犬馬。故不敢苟圖自便。遽行乞身。奈臣年已七十。衰病日侵。向患耳聾。今併患目昏。向苦血枯燥結。今又苦脾虛泄瀉。雖暫延視息于人世。不過石火電光。豈堪久廁跡于綸扉。罔顧鐘鳴漏盡。况值

龍飛元年。百度維新。機務重地。尤宜肅清。而臣名未除。仕籍仍玷。非所以肅官方而光新政也。倘臣一旦溘然長逝。則溺職負

恩之大罪。既無逃于生前。而戀位無恥之醜名。復彌彰于身後矣。臣之所甚懼也。用是力疾繕疏。遣家人喬德賚投通政司。照例封進。伏乞

天恩垂憫。賜臣骸骨。姑准休致。則生生世世。子子孫孫。當矢銜結于無窮矣。爲此具本。謹具奏

新編政事 卷四  
命之至。聞臣不勝悚慄待

吏部覆奏奉

旨金之俊清勤練達歷任院部効力有年勞績素著  
既經引年乞休賜袍服一套着以原官致仕廕  
一子入監讀書地方如有關係國家利弊重大  
事情仍許陳奏

### 山中奏草序

太傅息齋公致政家居復奉關係  
國家利弊仍許陳奏之

旨因有山中奏草一則授穎卒業讀之  
而歎曰嗟乎君臣相遇之際可謂盛  
哉

朝廷用公之言於去位之後公盡其言  
於退老之時前此史冊所載知己之  
感禮數之隆蓋未之有也昔司馬文  
正公居洛凡用人行政之大公必知  
無不言言無不盡王介甫稱爲君寔  
西京之體然是時司馬公未乞休也

杜祁公旣罷政歸里見賓客必問時  
事有善喜若已出至所不可憂形於  
色或夜不能寐如身任其責者然祁  
公實未能陳奏也以二公昔日之所  
遭揆之太傅公今日君臣之際一德  
一心何其盛也豈徒涼竹簟之暑風

曝茅簷之冬日顧瞻玉堂如在天上  
者乎今

天子維新庶政憂憫元元其勞心求治  
之意太傅公雖衰衣退食有一日不  
能釋然于中者則將以山中奏草爲  
大寶之箴丹扆之獻真有人所不能

言人所不敢言而公悉言之者書曰  
爾有嘉謀嘉猷則入告爾后爾乃順  
之于外曰唯我后之德古大臣之用  
心蓋如此雖在江湖之遠與在廟堂  
之上也則公之致君澤民又有不  
待奏草而見者余小子其何足以測

之奏草而具者余小子其神以  
康熙六年歲次丁未清和上浣年家  
公益小姪宋實穎既庭拜手題于讀  
之于書堂



山中奏草卷之五目錄

恭謝 天恩疏

遵 旨陳奏疏

遵 諭陳奏疏

遵 旨陳奏疏

恭陳賀悃疏

山中奏草卷之五

予告太傅兼太子太師吏部尚書中和殿內秘書院大學士加一級臣金之俊

恭謝 天恩疏

爲恭謝

天恩兼瀝辭悃仰祈

睿鑒俯安臣心事臣蒙

恩里居于本年九月初二日接吏部咨文一道內開  
考功清吏司案呈該本部覆臣奏臣年七十報



國無能等事一疏。于康熙元年八月初一日奉  
旨。金之俊清勤練達。歷任院部。効力有年。勞績素著。  
既經引年乞休。賜袍服一套。着以原官致仕。廕  
一子入監讀書。地方如有關係國家利弊重大  
事情。仍許陳奏。欽此。臣卽恭設香案。望

闕叩頭謝

恩除

欽賜袍服。例應祇承外。竊念廷臣中。尸位最久者無

如臣受

恩最深者無如臣。積過最多者亦無如臣。茲值引年  
之日。宜從黜幽之條。卽褫臣之職。削臣之廕。未  
足贖臣罪萬一。乃蒙

天恩浩蕩。既准臣原官致仕。已屬逾涯。復廕臣一子。  
尤驚非分。此臣所夢寐靡寧。萬萬不敢冒昧。祇  
受者也。伏乞

皇上俯鑒微誠。收回廕子之

成命則臣倘得偷生一日亦庶得安心一日矣。至于  
地方利弊有關係

國家重大事情者。臣雖身伏田野。寧忍心忘  
國家。然地方自有文武大吏。當知無不言。言無不盡。  
亦非誼列編氓之退休老臣。所宜越俎與聞者  
也。敢因控辭

恩廕渥典而併及之。總之回想  
君恩種種溢格。令人感極涕零。無論今生莫報。卽生

生世世亦未知所以報矣。謹齋沐繕疏。

北向九叩。遣家人孫榮賫投通政司。照例封進。統希  
皇上慈鑒。爲此具本。謹具奏

聞。臣不勝惶悚待

命之至。奉

旨覽。卿奏謝知道了。廕子入監。陳奏地方利弊。已有  
成命。不必控辭。該部知道。

八

人

人

人

人

人

人

人

人

人

人

人

人

人

人

人

人

遵 旨陳奏疏

為遵

旨陳奏仰祈

睿鑑事。臣于本年九月內。奏為恭謝

天恩等事一疏。奉

旨覽卿奏謝。知道了。廕子入監。陳奏地方利弊。已有

成命。不必控辭。該部知道。欽此。除望

闕叩頭恭謝外。竊思

山中奏草 卷五  
君恩游被無已。而微臣沒齒罔報。恐

先皇帝在天之靈。必加殛罰。臣所以自聞

命來。早夜憂惶。惴惴焉刻不寧處。今日擊地方大事。

實關

國家利弊。臣何敢畏罪緘默。而不遵

旨據實陳奏也。

國家財賦重地。莫過東南。而藩司郡邑等官。動干錢糧考成。接踵去任者。亦莫甚于東南。臣不暇遠

指繁稱。卽據蘇州一府而言。一二年間。府縣各官。更換如流。久則暮年。近止數月。豈一授蘇州之缺。皆催科政拙之徒耶。臣愚以爲官之更換。愈速。則胥吏之作奸愈甚。錢糧頭緒。愈多混淆。前後承接。愈多諉卸。新舊侵那。愈多漏卮。不肖者。固不惜身名。卽賢者亦無由奮勵。將見官日更。賦日絀。而民生亦日以朘削。吏治亦日以隳壞。其爲

國家之弊也。可勝言哉。總之

國計民生。本當並重。重

國計。必須嚴考成。凡應降應革。一毫不容寬假。重民

生。必須察治行。卽帶降帶革。仍可策令自新。伏

乞

皇上俯採臣言。

勅部詳加察議。倘有治行卓越。操守無疵。見在考成  
降革之列者。免其實降實革。姑准戴罪。課其後

效在

朝廷旣用罰以寓勸。在各官自補過以圖功。吏治振  
舉。則考成亦不屬具文。弊除利興。莫過于是。倘  
臣不從

國家起見。稍存毫私。沽名市恩。願甘

斧鑕。臣祇因風燭殘齡。朝不保暮。懼一旦溘焉長逝。

而欲言無及。則臣之違

旨。負恩。生生世世。莫能贖矣。故敢冒昧直陳。統候

宸鑑裁奪。臣不勝惶悚待命之至。奉

旨該部議奏

遵諭陳奏疏

為遵

諭陳奏仰祈

宸鑒事。臣蒙

恩休致。已經四載。一息尚存。未嘗一息不以

君父縈懷也。頃接邸報。恭讀本年二月二十九日。因

星變求言之

上諭。欲與內外大小臣工。洗心滌慮。各抒所見。共圖

消弭。臣始而憂。憂變不虛生。繼而喜且賀。賀  
皇上之遇災而懼。反災爲祥也。蓋

天心仁愛。故示異以垂戒。仁愛之尤至。故屢示異以  
嚴切垂戒。今

皇上既克謹天戒。增修德政。則災卽是祥矣。臣向奉

有仍許陳奏之

旨。茲又值

皇上求言若渴之時。尚敢愛垂歿之餘年。而不思竭

忠圖報乎。臣竊謂弭異之大端有三。春生秋殺。  
天之常道也。

朝廷法天以明刑。則肅殺定有其候。凡犯監候斬絞  
之歿罪。非決不待時者。仍照律秋決。姑緩罪人  
須臾之歿。以答

上帝好生之心。至于一應獄情。皆宜確引本律。此亦  
弭異之一端也。民足君足。古今彝理也。

朝廷養民以裕國。則考成尚須通融。酌免有司之實

降實革。以責其久任成功。分別糧里之欠少。欠多。以鼓其好義終事。勿令官苦傳舍。民愁敲朴。此亦弭異之一端也。紀綱法度。國之常憲也。朝廷乘乾以秉憲。則威福豈容下移。凡光棍挾私叩關。因而陵轢官府。僭擬威福。一時紀綱法度。爲之掃地者。斷宜嚴禁痛懲。此亦弭異之一端也。總之天人一理。感應甚速。人復其常。則天自消其異矣。臣一念朴誠。不識忌諱。謹遵

旨陳奏伏候

皇上採擇施行。不勝惶悚待

命之至。

康熙四年三月十七日具奏四月初八日奉

旨覽卿奏知道了該部知道



旨覽陳奏。朕。敬。了。請。賜。朕。前。

皇。上。外。對。朕。許。不。知。對。朕。許。

皇。上。外。對。朕。許。不。知。對。朕。許。

旨。到。朕。對。朕。

遵。旨。陳。奏。疏。

為。遵。

旨。陳。奏。仰。祈。

宸。鑑。事。臣。蒙。

恩。休。致。苟。延。殘。齡。已。七。十。有。四。無。一。日。不。沐。

君。父。之。恩。即。無。一。日。敢。忘。圖。報。之。念。也。本。年。二。月。初。

三。四。等。日。驚。傳。杭。州。省。城。暨。嘉。湖。兩。府。數。百。萬。

姓。聞。督。臣。趙。廷。臣。疏。請。解。任。葬。母。搶。地。呼。天。號。

泣罷市。既苦。又恐。一旦頓失怙恃。士不安於庠。農  
君門遠於萬里。又恐。一旦頓失怙恃。士不安於庠。農  
不安於畝。商不安於旅。賈不安於市。俱皇皇然  
有莫必其性命之憂。督臣平日得民之深。蓋可  
知也。臣思兩浙係濱海重地。所在伏莽。餘孽尚  
爾未靖。目下投誠多人。正需安插。况浙閩唇齒  
相倚。值今春汛屆期。此何等時也。閩督新推未  
任。浙督又將賦歸。沿海一帶重大事情。頭緒繁

多。雖賴有賢能撫臣。似難以一身兼攝。而輿情  
之愛戀如斯。亦亟宜解慰而輯寧之。目下情形。  
督臣似難一日去任。臣愚以爲宜暫留督臣。仍  
照舊抑情任事。俟閩督蒞任。相與共圖善後。務  
保萬全。俟料理有緒。然後乞

皇上俯從其請。庶

國事子情。可以兩全而無悞也。臣仰見

皇上加意東南要地。倚重莫先於督臣。而兩浙民心

皇。上。若。此。地。方。多。事。又。若。此。督。臣。之。去。留。實。關。天。心。  
國。家。重。大。事。情。臣。若。畏。罪。緘。嘿。循。省。仍。許。陳。奏。之。  
旨。負。

恩。甚。矣。謹。齋。沐。繕。疏。遣。家。人。金。鷲。賫。投。通。政。司。照。例。  
封。進。伏。候。

睿。慈。鑒。察。施。行。爲。此。具。本。謹。具。奏。  
聞。臣。不。勝。惶。悚。待。  
命。之。至。

康熙五年二月初九日具奏三月十四日奉  
旨趙廷臣前因葬母准其暫假兩月遷葬已有旨了  
該部知道

恭陳賀悃疏

為恭陳賀悃仰祈

睿鑒事臣蒙

恩歸老餘息尚存本年九月二十六日隨蘇州府見

任大小各官後恭接

皇上親政詔書于府堂上開讀跪聽訖萬姓雷歡老

臣雀躍雖伏草莽敢後颺言恭惟

皇上

睿德天鍾

英姿神授

年方鼎盛早勤昧爽以臨朝

運撫盈成恒期甲夜以視事謳歌于今六載聲教已

訖九圍矧

五位當陽離照煥中天之治而

萬幾在御乾元昭行健之功慶曆服之無疆徵太平

之有象臣崦崦殘喘報

國未能但犬馬微忱感

恩靡盡伏願

皇上敬

天無逸典學惟勤監于

太祖

太宗之成憲不愆不忘率由

世祖皇帝之舊章惟精惟一親賢納諫

舜智以明目達聰而益神薄斂省刑

堯仁以民安物阜而愈普江海之澄清立睹唐虞之  
 盛治攸臻已。臣不勝踴躍忭舞之至。為此具本  
 謹具奏稱賀以

聞

康熙六年九月二十七日具奏十月初五日奉

旨覽卿奏賀知道了該部知道

國未始也



